



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Summus Pontifex tributa imperare non potest in Gallia absque
consensu Regis & Ecclesiæ Gallicanæ. Probatur auctoritate Pragmaticæ
Sanctionis beati Ludovici & Concilij Constantiensis.

urn:nbn:de:hbz:466:1-15617

Petrus de Alliaco
pater s. de Eccles.
notio. c. 14

tatione Papæ. Sicut in veteri testamento, inquit, Levitas tenebantur decimorum decimam dare Summo Pontifici. Propterea posse justè decimam omnium Beneficiorum exigere, loco vero decime Annatas.

V I. Quare paulò audacior Gersone censio equum non esse ut priscam severitatem mordicus teneamus quoad Annatas quas Episcopi solvunt, cum ex obnoxia sint interpretationi qua ipsas liberat à vito simoniae, titulo videlicet subventionis. Modus quippe adiungendi ad earum solutionem, retentis videlicet Bullis, qui erat lapis scandali tempore Conciliorum Constantiensis & Basileensis, in confuetudinem versus est absque ulla conquestione Prælatorum aut Principum, qui solutioni huic consenserunt sub titulo subventionis. Ea videlicet ratione tollitur omnis suspicio simoniae, quandoquidem alio titulo reali & legitimo solvuntur, cuius natura mutari non potest ob modum qui observatur in solutione. Quapropter discedere cogor ab opinione Duarenii & Caroli Molinæ scribentium exactionem Annatarum esse simoniacam, etiam post Concordata. Nam preterquam quodd ratio superius adducta liberat Episcopos à suspicione simoniae, necesse est ut universi pedibus eant in illam sententiam ob rationem quam additus sum, qua est maximi momenti. Immanis quippe & horrenda confusio turbaret Ecclesiam, si omnes istæ promotiones essent simoniaca. Papaæ quippe esset irregularis, & Episcopis omnibus interdictum esset functionibus sui ministerij. Neque opponi posset Papam, conferendo Beneficium, dispensare ab hoc vito: quia simonia hæc, si ulla in eo esset, juri divino, super quo dispensari non potest, repugnaret, ut suprà dixi, & præterea Papa non possit dispensare super crimine quod ipse committeret.

V II. Attamen non assentior Petro de Alliaco, neque Ioanni de Scribanis, qui in suam sententiam traxerunt omnes ferē hujus ætatis Iuris Canonici interpretes, dum affirmant Summo Pontifici competere jus imperandi tributa clero, & personas ecclesiasticas contribuere debere partem aliquam suorum redditum pro sustentatione ejus. Iamdiu enim quæstio ista definita est in Gallia: ubi pro lege inviolabili habetur Summum Pontificem nullam contributionem imperare posse in bonis ecclesiasticis absque expresso consensu Regis & Ecclesie Gallicanæ. Clara in eam rem sunt verba Pragmatica Sanctionis B. Ludovici: *Item exactiones & onera gravissima pecuniarum per Curiam Romanam Ecclesie regni nostri impositas vel*

Tom. II.

imposta, quibus regnum nostrum misericorditer depauperatum existit, sive etiam imponendas vel imponenda, levari aut colligi nullatenus volumus, nisi duntaxat pro rationali, pia, & urgentissima causa, vel inevitabili necessitate, ac de spontaneo & expresso consensu nostro & ipsius Ecclesie regni nostri. Eadem quæstio in gratiam omnium personarum ecclesiasticarum definita est decreto Concilij Constantiensis Declarat sancta Synodus non licere Summo Pontifici indictiones sive exactiones quascumque supra Ecclesias vel ecclesiasticas personas impone per modum decima, vel alio quovis modo. Si vero causa necessitatis accideret, propter quam esset eidem debite fabveniendum, vocato generali Concilio, secundum quod expediens videbitur & uile, secundum decretum Concilij prævidetur eidem.

V III. Sed heic observandum est, decretum illud fuisse deliberatum post electionem Martini V. Summi Pontificis. Etenim in sessione xli. habita die xxx. Octobris anno M C D X V I I . statuitur ut futurus Pontifex post electionem suam deliberet cum Concilio de reformatione Ecclesiae in capite & in membris & de Curiæ etiam Romanæ reformatione; propositis ob eam rem xviii. articulis, quorum postremus agit de decimis. Martinus electus fuit die xi. Novembris, & die xxi. coronatus. Die dein xxii. Martij in sessione xlxi. publicata sunt decreta à Summo Pontifice & Concilio statuta circa quosdam articulos ex octodecem propositis, & inter ceteros, circa articulum decimatum Papalium. Verum decretum nomine Martini V. editum discrepat aliquantulum à decreto synodi, in eo scilicet quod respicit auctoritatem imponendi decimas & alia onera. Eam enim ad se trahit Pontifex, Concilium vero sibi arrogat. Quoad effectum tamen, utroque decreto idem prorsus statuitur, nimurum onera illa imponi non posse absque consensu Prelatorum. Hac decretorum discrepantia in eadem materia facit ut credam divisas fuisse sententias Summi Pontificis & Concilij, tandemque inter eos ita convenisse, ut utrinque decretalia fierent, quibus sua jura Summo Pontifici servarentur, & sua item Concilio. Id quod in primis observandum est, neque antea acciderat. Sanè prætermitti non debet, decretum Concilij valde periclitatum esse, ac parum absufisse quin perierit. Quippe decretum non est in corpore Actorum, sed in calce, post confirmationem constitutionum Friderici II. Imperatoris, pudore videlicet prohibente ne collectores illud supprimarent. Sed præterea descriptum est integrum in Actis appellationis Universitatis Par-

E e ij

Datum. lib. 6. c. 1.
de eccl. ministris.
Mense. in com-
missarii editione.
Per Petrus datus.

Pragmat. ca.
B. Ludov. artic. 5.